

卷五十三

義行傳二

卷五十四

義行傳三

卷五十五

隱逸傳

卷五十六

藝術傳

續修廬州府志卷五十三

花翎道銜江南安徽廬州府知府清泉黃 雲總修

義行傳二

國朝

趙觀乙合肥人順治乙酉舉人博極羣書不求聞達邑中推為學者家居置義田修族譜歲飢鬻其田得米二百石助賑闔邑疾疫施藥濟之多所全活生平嚴氣正性後輩見之皆生敬畏嘗榜其齋柱云立心行善非求福教子知書不為名

縣志 江南通志

趙伸乙合肥人諸生居家以孝友稱寇亂後曾贖難婦

三口還之

康熙志

續修廬州府志

卷五十三

義行傳一

一

程尊孔合肥人性豪邁喜交四方賢士大夫明末游飢

閻黨賴其賑子汝璞貴贈戶部郎祀鄉賢

康熙志

劉萬仲合肥人家長甯河一日拾遺金持歸訪知為東

山賈人醉後所遺亟持往賈人方疑為肆主人所竊萬

仲至出驗良是舉以授之事得解賈人願分半為謝不

受

康熙志

孫遇選合肥人端謹為鄉里所重崇禎庚辰旱輸粟百

餘石賑粥順治壬辰粟石價三兩偕其弟遇聘各輸百

石惠及一方

康熙志

李珙合肥人武舉家素饒崇禎十三年奇荒珙捐資糴穀以賑順治九年斗米四千珙置飢民簿計口授糧月

三次輸給之近者舖以糜里人稱貸券可盈尺一日盡
焚之康熙十四年旱蝗富人出穀市利十倍李獨不取
償有司榜其名爲眾勸

江南通志

汪廷貴字天如合肥人貢生力學能文喜行義舉族里
孤寡賴以全活者無數巢縣處士韋尙賓過其廬相與
語悅之遂留於家三十餘年著詩文集盈尺餘廷貴贈
梓費千金及韋卒卽燬其所居書屋葬之舍田十五石
給其孫巢令楊贈額旌之

縣志

馬祐字篤斯合肥人歲貢生中年失偶義不再娶先是
其家頗裕以樂施致貧明季亢旱祐出粟賑粥存活甚
眾繼大疫復施棺數百口康熙二十八年有壽民欠負

續修廬州府志

卷五十三

義行傳一

二

欲鬻妻祐代之償銀十六兩仍給資令歸卒年八十有

七

縣志

劉宏訓字敷文合肥人庠生天性篤厚置義田義冢以
濟族黨家居肥六之界歲於通衢設薑茶行人便之所
著有逸園文集

縣志

傅國佐字天植郡庠生好學力行崇重信義族姪彤選
幼失怙恃佐撫之如已子至於成立族中貧不能葬者
置義地葬之康熙間歲旱出穀數百石以賙里黨又捐
貲修置府學樂器祭器巡撫趙督學姚皆賜額旌之

采訪

冊

郭紀熙合肥人素行孝友自其祖父樂善好施熙承先

志周恤親鄰捐輸義地有弟七人皆教之成名乾隆丁亥舉鄉飲介賓郡守王贊曰推仁廣義培植心地樂善之誠已積三世

采訪冊

丁昇字允曦合肥人武舉樂善不倦力行功過格奉以終身舉行合舒廬無四邑同善局又與里人共辦育嬰堂孩幼無依者多賴存活

采訪冊

蔡雱字蒼佑合肥人事親以孝謹聞與人交慷慨重義不輕然諾疏財好施鄉里德之

采訪冊

黃彬字國華合肥人貢生端方耿介性好推施家產不逾中人而濟物利人有求必應子二人長大鶴字羽豐郡增生篤志窮經至老不倦慷慨好施乾隆十九年郡

續修廬州府志

卷五十三

義行傳一

三

守趙舉鄉飲賓辭不就

采訪冊

白廷俊合肥人貢生少孤事母盡孝見義必爲乾隆乙酉捐銀千兩修浚城隍乙巳歲飢復捐賑銀二千兩督

撫具題給匾旌獎

嘉慶志

王邦珍

通志作廷珍

合肥人監生

一作諸生

少事繼母先意承志

族中孀幼無依者邦珍衣食之焚鄉鄰借券百餘紙乾隆年間旱歉捐麥八百石銀二百兩按戶口分給來春復借籽糧百石家由此落終無怨言及卒里人義而哀

之

嘉慶志

蔡卉字丹亭合肥人乾隆丁卯舉人甲戌登明通榜授旌德教諭加捐國子監典簿父泰來性好施予每歲終

捐米五十餘石分給族鄰之貧乏者行之五十年率以爲常父歿遵行不怠爲人和平溫厚人咸以長者稱之
著有大學堂文稿

嘉慶志

李鼎合肥人少孤恪遵母訓力學不懈乾隆間歲荒捐穀賑飢親族就食者數十人取鄉里逋券焚之母登大耋鼎亦六旬每進膳率孫曾侍側五世一堂承歡尤摯

縣志

趙光奎字文斗合肥人太學生衛籍其母朱氏夫璣故後訓子成立九赴南闈目覩寒士應試盤費維艱於乾隆十六年首倡義舉捐典租四十石以助成其事

縣志

方大山號峯根合肥人貢生性樂學乾隆間知縣修葺

續修廬州府志

卷五十三

義行傳一

四

城垣儒學大山助銀千餘兩學師曾爲之跋以嘉其意又雇人檢白骨買地掩埋行至十三年之久子州同宗訓監生宗謨宗學宗誨有父風乾隆乙巳歲旱人以麥花樹皮爲食昆季傷之傾倉穀以賑自十一月起至次年正月方止全活者千餘人更假麥數百石以濟春荒野有毀棺露骼亦不時瘞埋鄉先生贈以詩云魯困屢指初無惜巷殯遙聞不忍歌述其實也

嘉慶志

董正字鵬飛合肥人乾隆丙辰舉人知安遠縣興義學減工稅去虎患多惠政子世掌候選運同甲戌戊子丙午等年捐資助賑又置義田以贍族捐修府縣學宮巡

撫旌其門

嘉慶志

范至剛字宗海合肥人邑庠生候補營千總秉性慷慨好善樂輸乾隆五十年邑大飢剛董理賑務議敘加一

級

縣志

趙洛合肥人進士官山西左雲知縣有政聲生平重然諾能急人之急舉人褚文倡歿於都中洛經紀其喪

縣志

吳鍾字世友號毅齋合肥人樂善好施乾隆己巳大荒賑貸宗姻存活數百家擴新宗祠振濟貧士三黨婚喪咸待以集事臨終處分家事畢命取一小篋啟之皆負債券也悉焚之約數三萬金鄉黨至今猶懷其惠以曾孫毓芬貴贈榮祿大夫子之驥號驤雲州同銜亦好施嘉慶甲戌大飢捐輸義賑安撫胡獎以保息推仁額丁

續修廬州府志

卷五十三

義行傳一

五

西復捐義賑多金安撫康題請議敘給予紀錄一次孫璠號蘊堂賦性端慤侍父之泉疾十餘年夙夜罔懈家藏書數千卷丹鉛點勘不倦道光己卯大水郡守劉煜令主東鄉賑務悉心經畫災民受實惠刑部郎中李文安創建節孝總坊延司採訪事得數百人族黨化其德數十年無訟著有未園詩集待梓以子毓芬貴贈榮祿

大夫

縣志
採訪冊

趙炯合肥人附貢生兩舉優行輕財好施東關外大河北岸崎嶇泥淖行人苦之炯獨捐金甃成石路乾隆間歲歉捐米數百石煮粥賑飢鄉里有善人之目

採訪冊

李耿忠字申白合肥人仁善性成少時見父濟人之窮

輒爲請益捐七品職以母老終不謁選乾隆間歲旱出穀千斛周濟親族鄉鄰施義地於青陽鎮西以葬孤貧捐修道路橋梁廟宇諸善行不可勝紀

采訪冊

蔡天泰字寅亮合肥人少孤事祖父母能其得歡心依孀母膝下五十年孺慕無異赤子倡恒善局會買木施棺戊子歲旱賑飢撮城鎮人日給米半升有田鄰數十家忍飢待斃天泰量其家口各給錢三五千鄰無飢死者

采訪冊

張桐合肥人乾隆乙酉拔貢家貧力學孝友端方鄉里咸欽敬之同善局施葯材瘞暴骨梓功過格諸善舉桐爲首倡始終不怠弟榆禔躬懋學敦本敬宗家無儋石

續修廬州府志

卷五十三

義行傳一

六

而先世喪葬諸大事獨力以任親友中有以孤子託者榆爲之經理教誨俾成立

采訪冊

黃存義合肥人篤厚鄉閭樂倡義舉乾隆辛巳捐千金置產稅其租以濟寒士鄉試之費嘗捐七白金之房舍爲廣益局公所郡守王晟旌以額

采訪冊

陸宗瑛字倫玉合肥人家僅中人產乙巳歲大飢捐金爲粥以待鄉鄰之餓者人多賴以全活又焚貸券二百餘金一時稱之

采訪冊

李灝字嶠江合肥人歲貢任睢甯訓導自奉儉約而好施與遇族戚恩義尤篤有以匱乏告者必竭力以賙之

采訪冊

魏國樞合肥人例貢生乾隆十三年歲旱出粟四百石助賑安撫衛給額曰任卹可風

縣志

范本泌合肥人七齡失怙孝事母友愛諸昆冬月必備衣粟以周貧乏鄉黨多依賴之乾隆十九年舉鄉飲賓郡守趙賜額曰望重輿評又文生范玉監生范楠皆樂

善好施

通志
縣志

沈夢周號恭素合肥人嗜詩酒周貧乏胆識過人偶過巢邑見分司稅煩擾商面言其非訴於漕撫李三才立拿分司卽委以課後屢請除稅以便商舟漕撫如請諮革給商賈回春匾額委道憲譚親賚懸堂以獎其功後同胞兄育素育衷堂兄懷泉思岡創建砥柱樓以塞一

續修廬州府志

卷五十三

義行傳一

七

郡水口勒石今尚存

嘉慶志

趙金炎字辛輔合肥人廩貢生負氣敢言邑有役兆祿本鎮江兵也水師旣裁分隸各縣祿倚勢作威廣通聲氣鄉里受害金炎遇於途面折辱之祿銜恨欲甘心焉金炎乃詭道走江甯肄業鍾山書院歲除不歸制府詰問始泣訴其故旋械祿至卒抵以法合肥地當衝差務絡繹不肖之徒借公把持設夫場立夫頭計曰斂錢商民交困金炎上陳其弊勒石永禁後家於白門年八十

餘卒

縣志

黃鋒字一齋合肥人監生存義子年十二而孤事母蔣氏以孝聞嘉慶辛未甲戌兩歲旱甚先後各輸粟六千

斛賑飢又重價買穀而賤糴之

縣志

董三重合肥人廩生拾遺金百兩還其人

縣志

龔延玠字豹占合肥人庠生端毅裔孫敦厚誠愨士林推重廬陽試院舊在南園歲應童試者三千人每雨雪多立泥淖中嘉慶丁丑年玠同庠生周士俊倡議添設防雨公舍甫經始而俊歿玠旋得足疾日跌坐書院旁苦口勸導盡心規畫於是人皆慕義數年成屋三十間按牌引進士得休息

縣志

趙鵲棠合肥人溫州衛守備富而好施嘉慶年間捐錢一千緡存典生息爲文廟歲修費士林誦之子對澂廣

德州殉難自有傳

縣志

續修廬州府志

卷五十三

義行傳一

八

黃觀光字若愚合肥人庠生篤學善文喜施予鄉里有困乏者輒賙卹之遇寒士必厚與至解衣以贈所居當孔道橋圯出資修造以利行人精岐黃術有危疾雖嚴寒盛暑必往治施葯餌人酬之輒不受全活無算鄉里稱善人著有帶經堂詩文集以子先瑜貴贈翰林院庶

吉士

縣志

褚家璿字齊玉合肥人廩監生少有至性誠於事親羣從昆弟朝夕不離戊子歲荒有鬻養媳爲婢者璿代償其價而還之仍爲夫婦如初又嘗於逆旅得遺金還諸其人弟家榿字山玉居家孝友處鄉鄰循循有禮嘉慶元年與千叟宴膺七品頂戴

采訪冊

張德彊合肥人衛千總嘉慶十九年歲飢慨捐千金賑濟鄉里邑侯陳斌詳請加二級并給予樂善好施匾額

采訪冊

汪本賢字希亭合肥人性敦篤好義樂施嘉慶十九年歲大旱飢民嗷嗷奉縣諭賑濟鄉人時賑欸不足本賢出私資三百千以助飢民由是得不死又嘗捐田二十四石銀三百兩創立合族義學至今族中子弟爲學者

咸賴焉以孫恩湛貴封奉政大夫

采訪冊

虞廷瑾號璞齋合肥人起家貿易集貲鉅萬樂善好施前修府志創捐成數以給用郡守張褒獎之

采訪冊

盛達合肥人議敘州同好施與置義地族中有貧而讀

續修廬州府志

卷五十三

義行傳一

九

者助以膏火貧而商者助以貲財嘉慶十九年歲旱捐銀六百兩助賑道光十一年大水又助賑銀四百兩及病革所有債券悉出而焚之又監生戴大禮亦於嘉慶

道光時三次捐賑及修學宮

通志縣志

王茂粹字羽雛合肥人值荒旱以錢二十七緡買一婦人書券者色慘甚問之其夫也卽令領回更贈錢二十緡夫婦哭謝而去著有脫腕集懿行錄好生錄見聞感

報錄

縣志

戴大信字誠齋合肥人爲人公正明決居城中有大工作及義舉力任不辭地方官委以公事合義者必爲措置事竣遣力呈簿記而已不自往見也子鴻恩貴贈如

其官鴻恩自有傳縣志

戴鸞齊字曉軒合肥人廩生少孤貧積學以館穀供甘旨撫兩弟成立友愛倍至母年七旬餘曲意承歡依依孺慕道光十一年郡有水災傾家中食糧以給親友復請於官設粥廠嚴冬風雪不辭勞瘁因得疾而歿著有

紅乙館集縣志

戴鴻勳合肥人候選理問弟鴻鈞歿時已分居留其子四人教養成立邑有大工作皆經理有條或公項不足濟以己財弗惜縣志

葛廷美合肥人監生好善敬宗捐出民田三百建百支祠立義學義學倉培植子孫周濟族黨道光三十年

續修廬州府志

卷五十三

義行傳一

十

欽賜樂善好施扁額奉

旨建坊祀忠孝祠采訪冊

汪韜字濟蒼號渭村合肥人監生性孝友勵名行里中貧人及妻子不能保聚者韜悉分財贍給之道光二十六年歲祲命子廩生海盡鬻產以賑縣志

巫萬悅合肥人耆民生平慷慨好施親戚鄰里婚喪不能舉者悉捐助之卒之日人多泣下縣志

王永閱字祉仲合肥人邑庠生性溫厚和平與人交久要不忘樂周人急於寒士尤喜助之四子各授一經多入學次子裒成進士諸孫多在泮有聲縣志

楊錫齡字季堂合肥人壬午副貢就職直隸州判少攻

苦精舉業主教壽陽多成名者並通青烏岐黃諸術濟人甚眾年八十四卒

縣志

張之蘋合肥人太學生以修城功議敘縣丞爲人公正喜施濟解紛排難鄉里敬之道光五年知縣祥褒以克

敦任恤匾額

采訪冊

葉文夔及弟文成合肥人葉寬子性忠厚道光間出貲重修弓腰壽菴兄弟二人誠心好善年均八十餘

縣志

梁元龍合肥人監生獨造東南鄉兩橋最爲好義弟元鳳號竹齊貢生道光初倡捐米穀三百石賑濟水災議敘教職郡有廣益局素狹隘買屋四間以擴之又捐辦救火器具并捐錢四百千存典生息以備臨時救火費

續修廬州府志

卷五十三

義行傳一

十一

采訪冊

范邦炳字孚占合肥人監生候選營千總性孝友公直勤儉介然不苟董理廣益局事十餘載廉潔自持喜倡義舉周天爵宰合肥器重之道光辛卯年水災經理賑務安徽巡撫鄧廷楨奏請議敘紀錄二次贈額曰惠及

桑梓

采訪冊

范邦直字黼堂合肥人監生性孝友樂善好施道光辛卯水災出粟賑濟巡撫鄧贈額曰樂善勸公

采訪冊

霍緘合肥人優貢生與人交然諾不欺教授生徒有禮法舉人葉士選未遇時貧不能讀緘携之就塾教而兼養卒成名著有大學孝經揭要蕉雪窗詩文集

采訪冊

丁燮元字調菴合肥人貢生爲人樸實而好施給棺木置義地隣里有善人之稱道光初年捐膏腴之田一百二十石以助鄉試卷費勒石明倫堂巡撫蔣文慶給尙義可風額旌其閭采訪冊

吳正邦合肥人監生道光十一年洪水泛漲三河上下一帶圩口盡行淹沒民食艱難郡守劉煜具詳請發帑正邦繕造清冊分別賑濟又於道光二十八八九三十年復被水災較十一年爲尤甚正邦勸令富戶捐米共四百石自捐熟米二百石造冊分段賑濟縣志

湯平鳳字翥雲合肥人議敘縣丞天性廉恕道光十一年東南水災郡守劉委督賑捐平鳳首倡義舉捐貲百

金復勸同人樂輸勸成大事經安藩佟嘉給樂善好施扁額卒年六十五歲縣志

章正咸合肥人貢生道光年間助義學錢四百千文建造碑記後燬於兵燹縣志

王之路合肥人監生道光三年水災收瘞流尸葬枯骨子星軫增生有寡人欲離婚者助錢粟止之縣志

許德勳合肥人監生厚重廉介勤儉持家捐貲修造橋廟道光二十八年無爲水災飢民蟻聚捐穀賑濟勸勉里黨樂輸資助好善不倦卒年七十八歲縣志

戴金相字其琢合肥人廩貢生鸞坡子輕財好義歲暮日袖金數十封伺貧窮無告者與之道光二十八九等

年郡有水災捐財賑濟施醫葯給棺槨力不能繼輒鬻
產以助之

采訪
冊

吳沛合肥人廩生性慈厚好施與鄰人劉純藻以貧故
欲離婚沛傾囊全之歲荒歉鄰人張雲柱舉家餓不起

沛贈米以活之鄉里稱善人

縣志

王世祿字弈蕃合肥人庠生性恂謹然諾不欺家貧課
徒養母以孝聞鄰某貧不克葬分館穀給之周天爵督
漕淮上重其品延課子有屬吏持重賄求通關節拒而
不納生平肆力於書尤善吟咏著有愛亭詩鈔

縣志

蔡有祐合肥人從九靜退好義族戚無以葬者給地并
助以資臨湖歲貢吳時傑爲之立傳

采訪
冊

汪本華字祥和合肥人性敦厚好善樂施道光二十九
年邑大水人民嗷嗷本華奉府示助米三百石賑之鄉
人由是得生又捐田四石九斗創立祭田愈積愈多祠

中祭祀悉賴焉

采訪
冊

王秉廉字維先合肥人監生和易樂善人有非禮相干
者笑而不校道光二十九年大水田廬淹沒廉出穀二
百石以賑咸豐三年正月賊警至窮民誼誼廉均糧二
千石人爭效之一方無亂民

采訪
冊

李山合肥人居南鄉派河六世同居不置私產道光二
十六年歲歉散千金賑救鄰戚賴以全活

縣志

汪宇合肥人生平好善周濟戚鄰無吝色遵父遺命將

田二百餘畝捐人族創建義學義倉已續置田二百畝
亦輸人封奉政大夫武義都尉

縣志

宋珩合肥人守備性好施道光二十八九年南八里
各圩大水捐米八百石飭坊總開冊按大小人丁多寡
照冊每日親身賑濟月餘合圩人民均沾厚澤至今猶

歌頌不已

縣志

虞乘雲合肥人候選千總少孤篤行與其弟武生騰霄
同居七十年無間言性好施與每遇善事無不捐資倡

助知府劉煜嘗獎之

縣志

虞衡字彥臣合肥人附貢生幼篤學博通經史性情古
樸家雖富白奉恒儉樂善好施道光十一年水災知府

劉旭放賑衡輸錢二千四百千十五年知府張修文昌
閣輸錢六百千二十九年水災知府栗烜放賑輸錢千
二百千咸豐三年粵逆擾境廬城官紳招義勇巡城輸
錢千五百千米三百石以助勇費是冬江忠源守廬城
又輸錢三千五百千贍軍兵燹後家中落僻處鄉間同

治九年病卒

采訪冊

袁於謨字宏緒合肥人太學生家住百官圩道光二十
九年大水家產漂沒貨錢一百千文賑濟族人

采訪冊

杜鶴雲合肥人五品軍功性渾厚喜賙貧乏咸豐間歲
荒發米數十石助賑又嘗代鄰里賠費錢數百千不索
償有貧戶避亂至其鄉者皆濟之未嘗向人言尤好收

惜字紙至今子孫奉行采訪冊

姚恩綬監生姚灼三庠生合肥人咸豐五年賊踞巢湖四境告警恩綬與灼奉督辦團練李文安諭起鄉團集民丁三千餘人堵禦三义及施口日夜梭巡與官軍相應地方賴以保衛又同捐米千餘石贍軍采訪冊

張定賢合肥人庠生性純摯咸豐間歲荒曾國藩委辦大通粥賑每日親嘗冷熱病者施藥難民稱爲善人以勞績保訓導歷辦金陵保甲懷遠正陽鹽務皆清廉不苟修正陽南北堤岸商船賴其利保鹽提舉銜花翎著有安貞堂易義待梓采訪冊

郭承綱字青選合肥人太學生樂善慕義邑修店埠通

濟橋承綱襄其事不避勞怨後橋毀重修復以監造自任工匠皆食息其家年餘工竣知縣廖贈額曰功成利濟壽至八十七卒見元孫采訪冊

孫永泰字有成合肥人監生忠厚性成店埠至撮鎮河西往來通衢常因霖雨阻隔泰慨然捐資修橋以便行旅咸豐年間奉諭辦團整頓練丁巡防河口要卡以衛地方咸豐八年病卒采訪冊

孫蘭字相國合肥人封武德騎尉候選布政司理問道光初年寄居金陵聚寶門外置有住宅一所因合肥無會館遂將住宅捐助云采訪冊

蔣芹采號廕宮合肥人天性尚義業耕讀創資至數十

萬金分田房以給親族周急濟貧不形德色邑建防雨
公舍捐錢百餘千又捐銀三百兩助賑前大學士李天
馥府前兩石獅已賣於人芹采聞之與鄰人吳邁羣出
錢數十千贖回曰此無用物將以留勝蹟耳年七十有
四子姪多登科出仕者冊 采訪

蔣爾瑜號亮儕合肥人恩貢生道光己酉水災出米四
百餘石平糶里黨賴以無飢咸豐三年粵逆犯廬境大
吏諭辦團練輸粟百餘石以助兵食凡地方義舉見無
不爲冊 采訪

楊秀蘭字益聲號曙軒合肥人篤學工書性好施與道
光二十九年大水族中待以舉火者數家咸豐三年出

續修廬州府志

卷五十三

義行傳一

十六

所儲粟以濟里之飢者八年秋寇至累日不食卒年八
十九歲冊 采訪

楊欲正字承祖號潛修合肥人太學生幼讀書治家勤
儉積資數萬金借貸於人悉焚其券又奉大吏諭充團
長練丁保衛一方賴以無事成豐七年秋積勞成疾卒
年四十四歲冊 采訪

萬朝靖字海門合肥人太學生少力學屢試不售爲人
急公好義嘗至京都見會館頽壞欲重修而無資遂請
同鄉刑部郎中李文安會議文安慨然籌資靖亦不惜
辛勤歛費監修數年工竣以三子年豐官封資政大夫
四子年清官封光祿大夫冊 采訪

張應鸞合肥人議敘鹽知事道光咸豐年董修本郡城工及豐備倉柵塲包公祠等處有勞采訪冊

顧全義合肥人老成持重忠義性成咸豐年間髮逆屢犯境全義聚族隣出貲財設險堵禦保衛一方因年邁

積勞而卒采訪冊

郭有訓合肥人監生咸豐五年廬城兵雲集糧缺輸粟助餉得四品頂戴采訪冊

孔昭珩字楚材合肥人監生天性純孝父廣厚年老失明珩日侍左右寢食扶持篤友兩弟析產珩自取其瘠者尤果敢有爲咸豐三年捻匪南竄所過之地焚掠一空珩督辦團練保衛鄉閭數十里安堵如故九年秋粵

賊擾境珩命四子都司憲禮率領鄉練數千人與賊接

戰於萬橋東橋在高劉集南初尙得勝嗣賊大至渡河背擊憲

禮前後受敵力戰不勝身被數十創死賊乘勢來攻珩堡珩與長子守備憲周督眾苦守賊圍月餘不能破遂引去年七十四卒卒之日鄉人哀之采訪冊

周開運字洛波合肥人邑庠生事母至孝樂善好施貧人夫婦有分離者厚恤之使獲完聚領修寺觀橋梁數處復捐貲財施田地創建合族宗祠并手錄本族宗譜

卒年六十六歲采訪冊

徐桂森號又香合肥人副貢生五品銜泗州教諭咸豐間賊兩陷郡城桂森集鄉團禦賊居民賴以安堵賊退

後監修文廟心力俱勞

縣志

孔志鰲號瞻五合肥人捐職布政司理問好義輕財咸豐三年歲飢出穀以卹族鄰粵匪犯境隨練堵禦水師營務處黃際昌奉調修造礮船助有棉布麻索銀兩皖撫福濟奏請旌獎其子應幹得議敘衛守備銜

采訪冊

周開玉合肥人耆民性好善事母以孝聞咸豐九年髮逆蹂躪玉聚隣眾拒守村焚被擄至郡城賊聞玉好善呼與語玉以善言開導賊目爲之動容隨時釋放玉并求放同擄人眾賊盡釋之一言而獲生還者四十餘人卒年七十七歲

采訪冊

周汝琛合肥人布政司理問精明強幹鄉黨有事出爲

續修廬州府志

卷五十三

義行傳一

十八

排解卒年六十一歲

縣志

沙業才合肥人從九品篤行好施賊陷廬郡貧民缺食才捐穀團練保衛鄉里李孟羣紮營長鎮才復籌餉討賊次子遇害才年七十餘卒

縣志

沙鳳翔合肥人武舉端方不苟仗義好施周濟族戚孤寡家資殆盡咸豐年疊奉憲諭督辦團練西鄉賴以安

堵

縣志

朱學文合肥人立品端正豪俠好義遇貧苦輒解衣推食全人夫婦不令拆散咸豐時值荒亂里有不法之徒乘勢擄掠力禁之卒年八十歿後鄉里猶稱頌不忘

采訪冊

冊

衛金鰲合肥人監生天性孝友教子詩書慷慨好施咸豐六年捐租四十八石爲前撫江忠源祠祭祀之費計

田十二畝坐落南鄉詹家夾街勒石祠內

采訪冊

朱昶字雨霖合肥人從九品孝友剛正排難解紛里黨推重以耕讀傳家訓子紱成名咸豐三年冬城陷四年夏統領江忠信進兵攻勦諭飭各保起練昶統練丁百餘名守險設隘保衛桑梓每官兵出隊卽率練丁從旁擊賊殺獲無算數蒙獎勵日夜巡警一鄉賴以無恙

采訪冊

唐步高合肥人慷慨自命生平重義輕財有節概其堂弟名灼死遺妻仰氏年二十無子舅姑俱歿貧無所依

續修廬州府志

卷五十三

義行傳一

十九

步高卹之與妻李氏商立己子爲仰嗣且多方成全之

仰氏因得完節

采訪冊

范炳字倍千合肥人邑附生好讀書研易理著有佩遠

寶古等集爲人重友誼尙氣節

采訪冊

李士俊字明遠合肥人幼同兄弟習勤苦後家道稍豐析著時推讓不較值生辰子姪輩謀稱觴士俊愀然曰父母劬勞今不逮事吾不忍爲此也生平儉約自奉而性好施與有貸者不責償享壽八十六歲舉鄉耆

恩賜絹穀

采訪冊

趙鳳舉字梧岡合肥人壬子舉人父士信敦厚好施有隱德鳳舉少力學長篤行誼郡城再陷賊蔓延圩砦林

立鳳舉特立不阿閉門奉母里黨化之

縣志

龔照珊字潤生號清海合肥人監生性孝友好施濟讀書通大義家世饒於財有二姪異居皆少孤恐其不更事遂棄儒業賈獨力任勞及姪成立資產皆倍於前咸豐三年粵氛逼境急營葬父母兄弟凡四喪助從父作楫練勇經費與族人合力接濟經理井井不煩鄉鄰出一錢六年歲大飢斗米至購田數畝照珊傾餘粟以分贍三黨中之困乏者謂其子曰凶歲能多活一人勝多貽汝良田一頃也夙重同邑孝廉方正李聯奎品學深契之遣諸子從學遺誠終身母易師八年郡城再陷以疾卒次子聯俊遇寇死見忠義第五子良舉己卯優貢

續修廬州府志

卷五十三

義行傳一

二十

壬午舉人

采訪冊

李漢章字倬卿號雲峯合肥人生而岐嶷性孝友治家勤而有法贈光祿文安其諸父行也奇其偉異有志畧勸習弓馬道光己酉入郡庠兩應南闈中挑選未售咸豐三年粵匪陷郡城漢章倡團助勦一鼓而應者千人嗣文安及其子今大學士鴻章先後奉

朝命督皖團漢章前敵効力克郡城得六品銜八年郡再陷復會諸團堡策戰守並籌糧械濟官軍同治紀元鴻章辦賊吳中檄駐常昭主轉餉旋司查水關時大軍進勦賊偵常昭空虛悉力合圍漢章率眾登陴嬰城固守先後十餘日城賴以全蘇城克復遞保花翎都司七年平

西捻遷游擊

覃恩錫三品誥軸九年鴻章檄委襄理北洋海防十年因舊傷復發回籍養疴爲人排難解紛周貧救乏至老不倦光緒四年歿於家子三經衡庚午科武舉軍功歷保都司

采訪冊

丁先誥合肥人舉人素有鄉望同治年間捻圩林立先誥勸諭平圩不避艱險以勞道卒照軍營病故例議卹

縣志

譚慶餘字瑞生合肥人監生性孝友喜施與隨父琨之祁門教諭任所先意承志父年八十一卧病數月餘衣不解帶藥必親嘗父卒一切盡禮諸兄皆早逝撫兄之

續修廬州府志

卷五十三

義行傳一

二十一

子孫均各成立同治元年奉江督曾國藩檄辦軍米局適賊至慶餘以米船數百號裝載祁民之避難者來往接濟保全甚眾嗣後祁邑屢饑每歲捐米賑濟之及歸里董修城垣重建廣益局建諸廟宇皆力任其勞以軍功保同知銜江蘇卽補知縣未幾卒

采訪冊

董受銓合肥人候選府經歷幼讀書卽留心時務卒未展其用光緒三年有教匪以術惑眾乃倡議行保甲事平府縣以聞巡撫記獎嗣當歲歉請修水西門城以工

作賑因監理積勞卒

采訪冊

杜國佐合肥人捐資修城及豐備倉知縣沈舉報得獎

縣丞

采訪冊

羅本潔字啟發合肥人性樸誠好施與親隣告貸無不應柘皋有寄居許姓者困阨不能歸欲賣婦本潔聞之夜袖白金十餘兩暗擲許門內夫婦得完聚詰旦許遍訪問而本潔終不言青陽山澗中舊有木橋爲水衝擊久圯捐資易石行旅便之采訪冊

方君佑廬江人鄉居好義康熙己未春大飢君佑捐稻六百石以賑安撫徐褒爲樂輸善士此外善舉尙多難以悉計康熙志

許祝年字樸齋廬江人廩貢選沐陽教諭以親老不赴後考授主事邑遭水旱首捐穀數百石倡賑濟著澹甯

集江南通志

續修廬州府志

卷五十三

義行傳一

二十一

孫日龍字庭儀廬江人爲里老有鄰婦爲夫鬻身於外郡幾墮平康矣日龍聞之白於官捐金贖歸請官爲擇配里有貧乏及孤獨者必賑給之縣志

趙淑字從以廬江人太學生嘗割舊宅地以益學宮每歲杪施棉米救濟飢寒或死不能具棺者淑輒資之費生平少怒色有以橫逆加者笑而受之鄉黨稱其長厚

縣志

金芝蘭一作蘭字畹九廬江人歲貢生康熙庚寅歲飢出穀五百石以賑濟甲午春又飢復賑穀五百石鄉人義

之縣志

吳姓字彬成廬江人太學生康熙戊子江南大水流移

甚眾牲購米賑之存活多人繼而疫癘盛行復施棺數

百具

縣志

王德恕廬江人康熙五年舉行均田法命州縣擇老成可倚信者經理其事邑舉德恕以應丈量田畝著有勞

績郡守贈以正直維風匾額

縣志

李錦林字文中廬江人增生好施予貧者多賴之廬邑泮宮燬於寇四十餘年繕修未備錦林贊成之又獨修兩廡邑令李衍芳爲記其事著有聽月樓詩集卒年八

十七以子之幹官封儒林郎祀鄉賢

縣志
通志

王祈年廬江人諸生少有至性周卹親鄰德施不倦年

登耄耋屢舉賓筵妻呂氏妾劉氏節烈載列女傳

縣志

續修廬州府志

卷五十三

義行傳一

二十二

李之幹字縮公廬江人少力學考職州同性孝友奉繼母維謹兄弟皆早世督諸姪勤學慷慨樂施嘗焚三千金貨券康熙甲戌春荒捐穀千六百斛爲邑人倡飢民賴之置救生船於濡須塢全活甚眾葺學宮易諸賢儒木主捐腴田三百畝入宗祠充族人讀書膏火詳刑部郎宋元徵碑記著有冉香草堂集祀鄉賢

縣志

秦九榮字爾承廬江人增生素敦雍睦族中孤孀及貧乏者恒周卹之建宗祠集族人講約勉以孝友終其身族罕構訟者學使兩舉優行著个中園詩草長子廷麐廩生次子廷驛雍正己酉拔貢性沖淡

廷試後卽歸里養親方正自矢邑令薛清來其同年生也

未嘗以事干之邑人重其清介後選祁門教諭未之任

卒

縣志

黃之煥字藻采廬江人郡庠生爲人聰明嚴正風裁峻厲遇公事侃侃持正論不隨俗俯仰人有疾困輒極力周恤乾隆二十一年春荒捐穀倡賑活鄰里復捐穀普給族中貧乏舉家食麥而以米賑人聞者咸感喟著有

觀我堂文集

縣志

丁緇字業青號書岑廬江人少有文譽以廩貢選訓導中乾隆己酉鄉試年逾五十以母老兄弟不忍析居邑中稱孝友其司訓穎上也遇歲歉奉吏委辦賑濟緇查戶口務核其實民皆得受實惠全活甚多乾隆五十年

續修廬州府志

卷五十三

義行傳一

二十四

本邑大荒捐銀六百餘兩助賑又出銀二百兩分貸族

鄰年五十八卒

縣志

黃道字章采廬江人增生立品端方而宅心寬厚生平未嘗面折人非務委曲開導俾自悔悟處兄弟間白首無一語齟齬御家不嚴而威門庭雍睦嘗耗千金爲族人保墓地善岐黃歲施藥餌濟人家雖落爲之無倦色年六十九卒著有心田文集數十卷

縣志

劉純字紹儀廬江人太學生天性仁恕處昆弟友愛馭子弟寬和居恒誦讀自娛不入城市尚義氣重然諾友朋有告急者卽傾囊以助閭里有忿爭溫言解之每積雪淫雨村民有不舉火者遺之錢米而不以告人減佃

租焚貸券凡利人之事悉力爲之年七十卒以子驥官
贈文林郎

縣志

馬允諧字覲瞻廬江人庠生素誠樸鄉里稱善人睦宗
族捐地建宗祠倡修族譜遇歲歉捐米濟貧乏性公直
里中有違言得允諧居間無不立解邀絹帛兩次年八
旬預知死期沐衣冠端坐而逝

縣志

王瑤嗣字報玖廬江人太學生端方好義年荒出穀賑
貧民郡守徐某旌其廬子道衛字紹蘧邑諸生率行不
倦歸婢女償遺金尤多隱德

縣志

李光珩字綸昭號聽齋廬江人例授州判素敦友愛弟
槿卒於官撫孤姪如己子乾隆戊子鄉試舟泊裕溪岸

續修廬州府志

卷五十三

義行傳一

二十五

上居民遭火所居灰燼急欲赴水光珩分資斧三十金
贈之其人賴以全鄉里有困乏輒解囊調濟咸稱善士
云

縣志

程朝瑗字勝友號聘齋廬江人貢生生平好義樂施遇
歲荒輒出粟賑貸乾隆乙巳奇旱捐銀助賑素精岐黃
求醫者雖極貧寒必親造爲之診視品行端方邑人公
舉賓筵卒年七十五

縣志

江國祥字廷沾廬江人候選州同慷慨好義乾隆戊戌
年荒賑米八十石乙巳年大旱又捐銀一百文十兩子
貢生鵬復出私囊購米一百石散給國祥年屆六十學
使徐立綱贈矜式鄉閭匾額以褒之

縣志

許嶙字北岑號雪巖廬江人太學生孝親敬兄一庭和順里黨稱之乾隆乙巳旱饑捐穀助賑癸丑捐修西樂庵財神殿載在碑記性好施與戚族待以舉火者數家遇有嫁娶喪葬必竭力資助之卒年七十有七以孫鳳翔官贈中憲大夫

縣志

高龍占廬江人業農知大義乾隆四十九年有商人路遺三百金及券兩冊龍占拾而還之次年大旱蝗食苗殆盡龍占田獨無恙遂將所收穀分給鄰里以作穀種人咸義之

縣志

鮑瑚字俊齊廬江人優庠生讀書明理以培植地方爲務邑文廟傾圮瑚與劉家鸞倡捐督修復於文廟巽方

續修廬州府志

卷五十三

義行傳一

二十六

倡捐修建奎樓於嘉慶丙子年落成子崇蘭卽於庚辰成進士邑中文風自此較勝於昔性慷慨好施與嘉慶甲戌道光癸未邑中水旱頻仍倡捐賑饑躬自散放全活甚眾子崇蘭承父訓服官清廉由進士授主事因母

老乞養歸

縣志

劉家鸞字呈瑞號桐坡廬江人候選衛千總孝友性成父歿哀毀骨立喪葬盡禮里中有急難解囊相助施棺木散冬衣嘉慶辛未甲戌旱荒道光癸未水災均倡捐賑饑全活甚眾與鮑瑚勸捐重修文廟並創建奎樓復與弟照藜捐田以爲文廟歲修費讀書講求大義喜誦先正格言身體力行孳孳不倦

縣志

陳文錦號俟旃廬江人布政司理問篤於內行幼居父
母喪哀毀盡禮處昆弟推財讓產出於至誠性儉樸而
慷慨好義文廟春秋祭司祭者率枵腹將事文錦捐田
八十八畝供執事諸生饌具及修補祭器樂器之費邑
中童試卷費無出府院試支應經費素絀文錦先後捐
田二百十二畝俾禮房承辦至今賴之慨字紙多污褻
捐田二十畝設檢收字紙會並捐義地一所付司奎樓
者照管他如助修忠義名宦福德三祠捐田四十畝入
郡城廣益局義舉頗多

縣志

凌厚積號荷亭廬江人監生性平善好施濟乾隆乙巳
大旱斗米千錢人相食厚積賑其鄰里人給米三合家

續修廬州府志

卷五十三

義行傳一

二十七

廩匱又貸以益之自歲暮起至麥熟止鄉人高其義卒
年七十有五

縣志

徐維宣廬江人歲貢生性貞樸然諾不欺遇不平事輒
挺身排解不怵於利害每除夕出薪米以周貧乏歷年
不倦著有偶存集

縣志

王洪廬江人乾隆初客合肥有鬻子婦者洪爲贖歸之
給資完聚

縣志

姚業發

通志 葉作

字中美號竹亭廬江人州同銜少聰穎

喜咏吟嘗與竹巖王正茂共唱和家素饒裕性濶達乾
隆乙巳歲大旱人相食業發出重資助官賑復私貸數
千金拯濟流亡全活甚夥因是家漸落鄉人義之子克

經承先志縣志

朱光照字聘三廬江人性好施與乾隆二十年邑大飢光照首輸錢三百餘千爲富室倡一時全活甚眾郡守

趙邑令李皆旌以額縣志

項仕金廬江人候選州同嘗出資完人婚姻全人節操助賑卹貧義舉甚多從弟貢生仕才尤孝友好施嘗捐田五十餘畝以贍族人乾隆戊戌乙巳丙午歲飢共捐銀一千餘兩市米助賑邑人賴之縣志

江國福廬江人貢生乾隆癸亥邑西門外延燒百餘家運錢比屋散給所費不貲災者藉以安葺弟諸生國祿嘗於山東旅舍拾六安劉某金百五十兩守候還之子

續修廬州府志

卷五十三

義行傳一

二十八

有貞亦諸生歲暮嘗以錢米賑恤鄉鄰施棉衣及棺歲以爲常縣志

丁茂純廬江人候選理問乾隆乙巳旱同兄茂熾捐四百金助賑又分給戚族銀數百兩縣志

王業理廬江人監生樂善好施輕財仗義遇族里有窮困者解衣推食唯恐不及以致家道中落晚年設教課徒循循善誘以忠厚稱子謨自有傳采訪冊

張尙耀廬江人監生素慷慨嘉慶十九年旱災捐銀四百兩助官賑全活甚眾縣志

張廷貴廬江人監生同胞弟等於嘉慶十九年歲旱捐銀八百兩助官賑又賑給族貧者大小口銀五兩邑令

旌其室曰向隅戴德縣志

凌潢字怡清號環溪廬江人諸生兼嗣叔父業事兩孀母有至性讀書務實行性寬厚有容犯者不較家素封勇於爲善嘉道間頻旱潦給米以賑困餓知親故有急不待告卽解橐焉縣志

王朝選字天璋號光中廬江人諸生事繼母以孝聞兄弟六人雖析居仍友愛無間親族中之窮乏者必實心周濟嘉慶十九年歲旱朝選謂諸子曰官賑恐未周余家倉穀尚有千餘石人丁百餘耳當分以濟人於是以菜羹和米炊粥而日以米數斗賑濟族戚隣里賴之縣志

張鈞字秉衡號陶軒廬江人監生篤友愛好施與兄銓

續修廬州府志

卷五十三

義行傳一

二十九

喜揮霍鈞無間言季弟錄早歿遺孤子二鈞撫之如己子至成立嘉慶十九年歲旱散米數百石族戚鄰里賴全活甚多晚年爲諸子析產別以租三百餘石濟貧苦歲暮有以貸粟告者輒應之潛以錢置粟中性耽花木工書法酒酣時誦前人詩以自怡卒年六十有六縣志

張正定號寶樓廬江人嘉慶二十五年歲大稔出穀千餘石濟活饑民鄉鄰感德知縣董梁贈以誼軼指困匾

額縣志

王賢麟字德新廬江人太學生輕財重義嘉慶甲戌道光癸未旱潦頻仍賢麟先後各捐穀百石倡設粥廠施給棉衣道光戊戌捐八十金助修城垣又捐千數百金

修小礬山韓文公祠子太學生良諭遵父命於咸豐丙辰克復縣城時捐銀三百兩助充軍餉孫崑衛守備銜承祖父志獨力捐建城隍廟左文昌閣志縣

姚長林號毅圃廬江人居授徒所得館金常以濟貧乏有佃人以婦死無棺告貲遣之後過佃家見其妻尙在轉喜而加慰憫焉其他善舉多有外人所不知者志縣

張道一號貫之廬江人監生道光初年獨修南門外弔橋以便行人志縣

吳繼泉字暢堯號春臺廬江人附貢生候選訓導內行純篤見義勇爲父光廷由貴東道調赴滇南道卒繼泉甫七齡扶櫬歸備盡哀禮因母老需侍奉絕意仕進足

不履公庭邑中修文廟城垣及籌荒政竭力相助不居其功道光丙申柳樹埂被火數百家盡成焦土繼泉助貲重構市肆復舊平成橋圯於水捐金倡修建北門外棲流所購塔山麓爲義地施衣藥以濟窮厄凡族戚貧不能娶死不能葬者恒周給之志縣

陳克錦號文若廬江人議敘八品置買西關外畢家窪山廠一片捐作義地每年冬掩埋枯骨復與朱光裕倡捐修整昇仙橋志縣

姚長雄字文伯號桂山廬江人歲貢生候選訓導家貧事父母孝處兄弟極友愛內外雍穆蓋天性然也平生尙氣節引誘後進多所成就有卓識慮事屢中咸豐初

粵逆陷城邑人圖收復長雄首先倡捐接濟糧餉子繼韶官寶應蕭縣知縣常寄書訓作好官晚年倡修文廟議改文明河導水西流竭力經營不辭勞瘁以子繼韶

官贈奉政大夫

縣志

霍鳳階字若張號桐山廬江人廩生持己接物一以朱子小學爲範性方嚴而宅心寬恕面斥人非退稱其善人畏而愛之里少年夜行竊鳳階執而勸之少年涕泣知悔鳳階曰夜無知者吾不揚汝惡汝努力自新未晚也與以貲俾權子母卒改行爲善鄰有孀婦貧將改適因資助以全其節道光癸巳歲大稔勸捐賑饑躬自散給全活甚多善屬文所著有謙受堂詩文等集以孫翔

官贈資政大夫

縣志

劉孝于號赤城廬江人庠生堂姪婦江氏吞金殉節孝于代請建坊嗣邀邑人捐貲建節孝總坊道光年水災孝于倡捐助賑族戚待舉火者十數家因母歿哀毀卒以子友鄂官贈奉政大夫

縣志

丁榮澧字立之廬江人太學生道光戊申己酉水災兩次助賑銀千二百兩襄辦賑務井井有條咸豐丙辰縣城初復歲大旱守城軍役饑甚又助餉五百金精岐黃術爲人診治恒歲費數百金蓄藥餌以便貧乏

縣志

張琛字華亭廬江人慷慨好施鄰里有急難視如已事世居南門外宅旁有飛魚橋嘉慶間屢爲洪水漂沒捐

資改木爲石道光十七年復倡修昇仙橋

縣志

盧綸號鳳池廬江人武庠生花翎都司嘗在京師解旅囊助建廬州會館於宗祠旁設家塾以課族中子弟捐田四百餘畝以爲經費邑中忠義祠咸豐年毀於兵綸獨力重建又捐貲設局蒐採殉難士民稟縣詳報請卹

縣志

錢深培號毓亭廬江人郡庠生敦孝友勤學問訓徒先實行道光年水災屢以脩金助賑全人婚姻檢埋骸骨助修橋梁孳孳不倦

縣志

金維棟字肯堂廬江人衛千總銜道光間水災先後助賑並贍族戚之被災者所費千餘金兵燹後樂善益篤

續修廬州府志

卷五十三

義行傳一

三十一

獨力重建節孝祠又以蔣家河爲南北通衢欲修橋而未果子國柱遵遺命獨力修建石橋行人便之

縣志

朱佩蒼廬江人家貧歲暮外歸見道旁遺金坐守之俄而遺金者至出金還之其人分半以酬佩蒼卻不受又一日泊舟江岸天微明遇有棄兒者抱回哺以糜抵家

覓乳養之

縣志

計謙號益齋廬江人增生候選訓導爲人恭遜而峭直咸豐乙卯粵賊毀廢文廟謙聞信奔視抱柱泣且罵賊怒欲殺之哭自若賊皆曰此義士也揮之去

縣志

徐枚字相臣廬江人太學生道光末水災助賑爲一鄉冠咸豐三年粵賊陷城四年八月吳廷香起義收復未

數日賊大股來攻城中需火藥甚急枚率健丁十餘人各懷數十觔僞爲採薪者由北門縋而入廷香瞿然曰賊鋒方銳子亟去勉後圖己而城復陷五年廷香之子長慶及張盛愷投巡撫福濟大營効力福濟命就四鄉各籌銀一千兩協餉枚於南鄉勸辦如數六年四月護解到營道路梗塞五旬始返以中暑病卒

縣志

柯桂廬江人從九品銜少孤貧棄儒就賈中年家稍裕諸兄弟俱早世與季弟極友愛以學校公費不足於道光三年捐田一莊爲考童縣府院試結單之費計田價四百金教諭程定謨刻石於大成門以紀其事復以魚市橋市房捐入奎星樓爲檢拾字紙費

縣志

朱光裕號理軒廬江人鄉飲賓敦倫好善道光三年邑大水光裕輸粟於官以賑之嘗捐修劉家橋及街市官巷壙衝石路兩道族戚告貸悉焚其券年七十三

縣志

朱義號和軒廬江人監生道光間納粟賑飢議敘八品以縣丞選用後以寇亂隱居鄉曲卒年七十二

縣志

章廷榜字蕊徵號質夫廬江人官刑部廣東司郎中道光初年省親歸里適邑大水與兄廷樑籌畫救荒之策捐貲助賑復於所居設粥廠施棉衣備醫藥以拯貧病至冬徂春全活甚眾十一年大水又如之廷樑捐置義莊廷榜出膏腴之產千一百餘畝以裕經費均經大府具奏邀

特恩加級者三在籍十年依依孺慕不忍出山迫母命乃改官
外省以道員謁選道光季年大水江淮一帶工賑並舉
廷榜蒿目飢民出金二萬兩以濟大府嘉其惠及鄰省
好義可風爲奏請從優獎敘旋授河南糧鹽道迎養其
母而母不果往廷榜遂因迴避乞終養不復出優游林
下四十餘年邑有義舉輒捐金爲之倡兵燹後家中落
見學宮傾圮與都人士籌議修建按畝輸捐不足復措
資以助義莊被毀祠宇蕭條復爲建修卒年八十五有
子十三人采訪冊

續修廬州府志

卷五十三

義行傳一

三十四

慷慨好善不改父風捐小山義地道光間頻遭水澇捐
數百金以助義賑議敘加一級縣志

姚克初

新縣志
作克志

號復亭廬江人監生每於歲暮從人携

錢米絮襖擇邑中貧乏者給之道光間連大水捐銀助
賑復以錢米私卹之咸豐二年以捐餉議敘布政司經
厯銜又嘗獨修小西門外石路捐田贍族助祭費縣志

王華號曙堂廬江人弱冠入武庠慕義急公其次子純
臣倡義勦賊死於三河華聞之慟旣而曰子能死節不
負吾教何憾長子占魁旣貴華得膺一品封典仍率其
素恂恂然無疾聲惡色邑故無試院華命其子提督占
魁與婿提督吳長慶購民房建試院置棹橈又以書院

膏火尙薄與邑紳劉秉璋等共捐重資名三樂堂以資教育占魁乞假歸養仍命捐餉報効得廣學額所居無華屋而於學宮中獨建鄉賢福德諸祠宗族祠圯復新之並延師課族子姓周卹鄉里及卒邑人思慕之

縣志采訪

冊

沈名采廬江人家貧路拾遺金守俟其人至還之

縣志

袁振吉廬江人慷慨好施予里有鬻婦者振吉償以鬻

婦錢數勸勿鬻且時賙恤之又拾遺金還主不受謝

縣志

田甲廬江人太學生道光癸卯水災倡捐助賑戊申己

酉於助公賑外日給鄉鄰貧者米一升行之月餘

縣志

許勣字照寰號勉亭廬江人增生嘗與諸弟遵父遺命

續修廬州府志

卷五十三

義行傳一

三十五

鬻賣田產助修文廟史積薪贈贊記勒石學宮道光十

五年勣弟監生德聰與其子廩生文螭重修作枋河新

橋

縣志

計世本廬江人候選同知道光間連大水世本助賑三

次咸豐初元捐毛家田舖山田五十畝土城岡山田二

十一畝供文廟歲修捐東北鄉鉄脚山田七十一畝充

書院膏火

縣志

洪萬泉廬江人有膽畧咸豐七年賊眾入境恣行焚殺

萬泉隻身獨詣賊說之賊爲少止

縣志

宋弈波廬江人績學未遇爲人好施予捐廟田以繼香

火給棺木以殮流亡每逢歉年賑濟戚族之困乏者

縣志

張朝炳字南齋廬江人監生天性孝友捐義田以卹宗族好施與以睦鄉鄰每逢水旱除日常周濟貧乏濡須周倉餘因荒鬻妻其妻不忍去炳出金救之縣志張盛愷號勁筠廬江人候選郎中爲人坦率尙氣節遇人急必傾囊周濟常冒險脫故人大難事後絕不言讀書至忠孝事輒欷歔泣下咸豐三年城陷盛愷上書當事多中機要十一年秋賊退值民物凋敝之際而三河與廬州仍爲賊踞境內軍書旁午盛愷佐邑令部署諸務妥帖大府才之委辦釐稅同治元年大府檄辦抵徵令畝徵錢四百文蓋援桐懷例也廬故以四畝或五畝爲一石綜一石歲入之穀不逮桐懷一畝之穫時流民

新集墾田無幾各惶懼莫知所措盛愷走謁總督曾國藩備陳其狀旁有詰之者盛愷反復執辨遂得以一石準桐懷一畝徵錢四百文民無苛擾盛愷力也巡撫英翰委辦防勦守雉河賊忽至相機戰守賊終不得逞以功

賞戴花翎以積勞病歿奉

旨贈光祿寺卿銜子某廕知縣

縣志
採訪冊

金程萬號雲齋廬江人附貢生事親孝弟早卒撫姪如己出同治四年清查地畝時兵燹後冊籍被燬程萬與訓導朱祝三等董其事勸諭鄉民皆從實報人無敢欺邑修文廟繕城垣建義倉濬文明河皆竭力經營不憚

勞瘁管理書院涓滴歸公士林翕服

縣志

錢恒升廬江人太學生同治三年巢縣水災隱姓名運糧前往察極貧者立券出貸散畢後出券焚之巢人義其行細訪得其姓氏欲請於官以獎之恒升不別而歸

縣志

曹恩照號秀升廬江人孝子殿梁弟也博學強識爲文一宗先正其教授鄉里以品行爲先誘掖後進孳孳不倦咸豐初粵匪竄陷邑城蹂躪四鄉恩照年已老因命子德慶棄儒業辦團練捍衛一方以子德慶官贈建威

將軍

縣志

馬捷三字康侯廬江人廩貢閒靜少言刻苦自勵其授

續修廬州府志

卷五十三

義行傳一

三十七

徒以行先文後造就甚多光緒紀元鄉人欲舉其名應

制科辭弗就

縣志

曹斌廬江人孝子殿梁姪提督德慶總兵耀衢之兄也世敦禮讓耕讀守分幼從叔父恩照研習舉業未幾援例入成均每爲族鄰排難解紛同治初今浙江巡撫劉秉璋治軍江蘇與斌幼同里有戚誼令司軍餉統領慶軍吳長慶亦重其爲人斌與諸將并奏大功握利柄久始終淡如以功給九品藍翎歷保花翎卽用知縣西捻撲滅以直隸州知州留江蘇補用歿於淮上年四十八

采訪
冊

郭尙謙字吉六舒城人侃直好義康熙十八年旱蝗尙

謙繪圖呈之督院爲民請濟闔邑德之以歲貢歷任懷遠祁門訓導崇尚實學有安定風

縣志

潘恒隲舒城人家貧貿易於外康熙三十五年十月初二日歸至錢家橋拾金二十兩恒隲坐守達旦訪其人驗實還之同邑姚守堅江自孔皆以還遺金聞

通志
縣志

程震壽舒城人幼讀書克承先志棄儒業醫凡貧有疾者咸醫之濟以藥餌遇貧乏人每爲解衣推食雍正元年行鄉飲禮舉鄉飲大賓嗣其子國符家資累萬施濟益廣時稱善門

縣志

朱維世字斐英舒城人敦本好施助親族之不能婚嫁者賑歲暮之不能舉火者施棺掩骼靡不力爲雍正九

續修廬州府志

卷五十三

義行傳一

三十八

年旌表

江南通志

王希曾舒城人歲貢曾讀書於客館有少婦挑之堅拒

不納

舊志
通志

靳宏毅字仕可舒城人太學生慷慨好義廬州試院舊張蓆棚以覆每歲科屆期必重加修整事竣則撤之几案偪仄若試日人眾不能容生童有匍匐階除呶唔終日者郡守徐大枚憫之思易椽瓦備棹凳學官余汝霖奉檄造宏毅廬與之語宏毅諾之遂獨力捐輸以成善舉一時稱之

縣志

靳宏士字軼材舒城人以例貢授知府職性濶達有才畧重然諾好爲人排解乾隆甲子春大雪有飢寒不能

出門者作糜往賑之鄰里日給以米後屢次災荒倡族人捐粟設粥不足更糴之他郡以濟學宮久圯出貲新之七門嶺險峻行人有顛而殞者偕里人平治之建亭其側以息行旅

縣志

張佐原姓左舒城人諸生嘗拾遺金五十兩其母劉氏命往故處候而還之其人分以謝不受

縣志

張杰舒城人衛守備好施不倦歲暮每出錢米以賑族鄰嘗捐千餘金與同邑諸生孫崇禮移建崇聖祠於大

成殿後規制一新

縣志

蔣郁生舒城人嘗拾遺金守之三日還其人

縣志

賈又復字勝先舒城人性伉爽和睦族屬親知以孤託

必竭心力撫之接遇賓朋無倦容無德色

縣志

王世俊舒城人性孝友慈仁好施予如藥餌衣棺義冢

諸務行之不倦推財讓產有薛包風

縣志

程崑舒城人副貢生性鯁介重然諾施予弗吝親友有窮無告者收恤之終其身無倦意亦無德色父歿事母至孝教子孫極嚴秀者儒愿者賈無敢出里巷遊戲舒人稱家範首推之

采訪冊

程士芳舒城人貢生居心忠厚植品端方濟人急未嘗有德色倡義捐貲開縣河建書院修明倫堂任勞任怨

民至今德之

采訪冊

程士琳舒城人貢生有兩姊早寡琳迎養於家數十年

延師教其甥成立長女早寡亦如之乾隆五十年大旱
佃人有鬻其妻者予之金夫婦獲全卒年七十七子孫

多讀書者

采訪
冊

孫序賢號墨村舒城人進士居三河嘉慶癸酉歲大旱
序賢首倡捐賑商民皆樂應所捐錢穀甚鉅合邑令欲
奪之歸官賑序賢爲飢民待哺故不可令怵以危言不
顧卒得留賑三河飢民賴以全活者甚眾嘗就試江甯
聞某同知妾爲大婦所妒賣入平康罄橐中裝得三百
金贖還之是年舉於鄉後有衣冠謁於京邸者卽某同
知也再拜曰僕無子爲宗嗣計置一妾悍婦去之賴公
恩得復還今已有三子矣其生平尙義類如此子觀官

續修廬州府志

卷五十三

義行傳一

四十

御史言事侃直仕至布政使

采訪
冊

何芬字精一舒城人議敘知府治家勤儉和睦鄉閭邑
建龍山書院樂輸數百金卒後三子恪遵遺命好善不

倦乾隆五十年飢以穀五百石輸官賑濟邑民賴焉

縣志

靳章珙舒城人存心濟世棄儒爲醫凡貧苦就診者予

藥不取值

采訪
冊

程兆臨號瑞亭舒城人家世讀書兆臨以父疾爲庸醫
誤而母又多病乃發憤廢舉子業讀內經以濟世其診
人不問貧富雖嚴寒酷暑暮夜雨雪有疾延之者皆往
診無資取藥者施予之家素貧不爲子孫計孫學思弱
冠有聲庠序同治丁卯舉於鄉

采訪
冊

程煜舒城人訓導慷慨尚義重然諾浙人陸辰昌客居瀕死囊中出百金授煜以老母及妻子託之煜入山避寇挈陸之眷屬往給其食用者三年賊平後賣已產仍以百金償之

采訪冊

馮啟廣舒城人從九品晨往曉天鎮過巷口拾遺金四十八兩坐其旁以俟午後有褚姓者倉皇至言失金故馮詰其輕重大小相符出而還之分半以謝堅不受而

去

采訪冊

束宗煥舒城人捐貲在縣東三汊河建石橋二以利行人

采訪冊

束斌舒城人衛守備捐貲在縣東鄉建雙濟永濟兩橋

續修廬州府志

卷五十三

義行傳一

四十一

同邑吳邦楹監生嘉慶十九年大旱首先捐貲助知縣黃設廠賑濟飢民全活無算

采訪冊

李謙字曉峯舒城人性仁厚重人情有求之者必使得其意以去嘗出百金助三河僧某營建文昌宮庚子三河大水民乏食謙故不足於財爲飢民告貸者至數十金並勸紳商出錢穀設賑子振鬻以舉人試用河工治桃源多政績民有清如水明如鏡之頌謙以子貴封朝

議大夫

采訪冊

程灏本名浚舒城人舉人官內閣中書已而去官家居閉門吟嘯不履公庭然其心則一以利人濟物爲念漢羹頡侯創修七門堰灌溉最廣明縣令劉顯重修歲久

溝渠淤塞其利幾廢濬捐田四石爲溝道因勢疏之水
利復興並建橋溝上以利行旅采訪冊

陳煥舒城人監生爲人孝友有義氣從弟學灝少孤雙
目瞽族人某佔據其家產煥憐其無告訟於官斷還學
灝並爲苦心經理至二十八年俟學灝子理昭長乃還
付之采訪冊

靳茂軒舒城人文生操行謹篤雖急難不改常度鄉里
咸稱之采訪冊

左前光舒城人好施舍嘉慶十九年辦理蠲賑道光三
年收埋遺骸道光七年捐置義地人多德之以子貴贈
建威將軍采訪冊

續修廬州府志

卷五十三

義行傳一

四十一

高珠舒城人處心忠厚每歲暮散財周急又分田數百
畝贍濟親族尤人所難嘉慶元年與千叟宴以候選州
同加一級並邀

恩賚如意壽杖綾緞其堂弟珍幼負才名能肩大事七門堰久
廢毀珍屢次清理原委修築開工上下墻田均蒙其利
嘉慶志

曾洪淵舒城人文生性純孝慎然諾里有故輒排解族
戚貧乏咸爲調劑人盡感之采訪冊

王維清舒城人庠生性孝友嘉慶十六年歲祲好施不
吝邑令贈惠及一方匾額采訪冊

張漣舒城人廩貢生歷任天長縣黟縣訓導邑之五代

祠明倫堂年久傾圮漑倡首捐修又道光辛卯壬辰歲荒亦捐賑米粥貧民賴以活冊 采訪

王長祚舒城人附貢生守正不阿道光年間捐資助賑前縣余贈以誼敦任郵額後縣鈕稱爲樂善好施冊 采訪

杜采芳舒城人貢生性和而介任舒邑善後事如查田畝修建考棚文廟文昌宮城隍廟關帝廟社倉等處邑紳童叟鍾長森高濟陳楸劉代楷開其先而采芳經理出入布置裕如與同事程埏不辭勞瘁克成厥功冊 采訪

崔瀛舒城人庠生性友愛其弟洲爭田與人訟瀛以已田與之訟乃息冊 采訪

許家麟舒城人例貢生家素封好善不伐待宗族尤厚

每歲暮袖錢物夜出視閭里窘困者自窗戶投畀之不容其人知也有一子早夭而爲善之念不少衰道光三年無爲大水携白金萬餘偕其友李陽春往察民之尤困者賑之全活甚眾由是連舉三子冊 采訪

樊振聲舒城人敦孝友慎言行尤善排解鄰里有事必告之冊 采訪

陳必恒舒城人監生公正好施里有貧不能娶死不能葬者解囊資之道光十二年縣水災捐銀三百兩邑令劉詳請旌獎議敘八品嗣因纂修安徽通志曾經捐資前撫鄧廷楨獎給執照旌以誼篤維桑匾額道光十三年修建考棚輸銀一百二十兩邑令吳詳請旌獎巡撫

奏請從優議敘並旌以義重文宗匾額采訪冊

沈四美舒城人好義樂施道光十一年倡修南港官道又於東七里隘津修板橋並施茶要路周濟行旅采訪冊

黃在陽舒城人素好義年逾八十樂善不倦縣南山埠白骨古墓乏祭祀陽爲捐貲置買山場作永遠祭費又有陳贊襄樂善好施兵荒後白骨暴露襄爲捐貲揀埋立塚其弟庠生守恭捐田祀之並立碑誌采訪冊

鍾德澄舒城人候選布政司理問善書法工詩文樂善好施子承謨克紹先緒輕財重義道光年水災首倡賑濟鄰民至今稱頌之年九十一歲見五世采訪冊

束宗燧舒城人監生道光二十四年春途經重陽墘路

拾遺銀三十餘兩燧坐守良久有合邑汪叟倉猝涕泣而至詢明還之叟分銀數兩作謝堅辭不受采訪冊

劉柱臣舒城人善騎射領鄉薦考選兵部差官後補饒州守禦所勤以視事明以察奸解組歸里隣里貧乏者罔不周濟采訪冊

朱長吉舒城人捐獅子巷住宅建忠義祠又有庠生朱蘭芳者遵父灼治命捐建節孝祠於大東門外前後瓦屋凡六間采訪冊

程爾煥舒城人庠生性孝友幼失怙繼母董氏撫之如已出煥事之先意承志待弟熾極友愛飲食每交讓與人無急言遽色器識深厚城陷奉親走竄以親老化離

憂憤成疾臨終屬其女善事高堂妻許氏後以賊至刺額數創成疾卒

采訪冊

程兆芝舒城人從九品生平好善家貧喜濟人其子理檜能孝友恤孀嫂育孤姪內外無間言隣有鬪輒排解

嗣舉鄉飲大賓

采訪冊

程兆蘊舒城人從九品好施予隣人錢姓貧不能娶蘊爲助銀完婚族戚有急罔不周子監生理清克承父志

采訪冊

程金殿舒城人庠生品粹學優閉門課徒不計館穀寒士多所造就子恩貢生瑞熊庠生瑞彪均繼父志

采訪冊

程兆炳舒城人從九品性孝友佃人有離婚者炳捐租

續修廬州府志

卷五十三

義行傳一

四十五

三載全之子理棡理瀘均舉鄉飲大賓

采訪冊

程學仁舒城人好施予值歲歉生給衣粟死施棺木揀埋枯骨其族叔理亨病故家貧妻寡子幼仁爲優撫並

教之成立

采訪冊

毛家智舒城人庠生慎言笑不樂仕進以課徒爲樂註有四書講貫待梓其弟萬卓早卒遺腹生子名鳳儀教

成立入學

采訪冊

張逢盛舒城人庠生幼孤貧奉母以孝爲人誠樸簡重

成就後進甚多

采訪冊

童效曾舒城人貢生急公好義舒西五十五里郭家岡半舖里民苦投遞曾爲置田兩石四斗歸舖承辦得免

行役嗣捐置地基築茅柵留養外來難民又在東西沈冲捐立義地兼施棺木

采訪册

童選遴舒城人監生豪爽多才敦宗睦族里有故輒排解之舒西五十里張母橋同善橋爲英霍晉省官道嘉慶年間先後蛟水衝坍選遴倡義重修

采訪册

童光照舒城人貢生慷慨好施族戚貧苦咸爲調劑咸豐四年福建提督秦定三勦舒報捐軍米一百石巡撫福濟奏給六品頂戴七年冬捻匪入境集練紮寨鄉里

安堵

采訪册

鍾光閻舒城人翰林院孔目樂善好施至老不倦又有束炳元兄弟好施與捐置義地於鄭家坂榆樹墩等處

續修廬州府志

卷五十三

義行傳一

四十六

凡屍骸暴露者俱檢葬之立有碑誌

采訪册

鍾常森舒城人五品銜世襲恩騎尉好義繼其先人如修建雲路石坊及製造下七里河渡船均不惜捐產舒

民德之

采訪册

朱文藻舒城人廩貢生素有俠氣凡借貸有不能償者面焚其券不取

采訪册

朱丙舒城人監生賦性洒落善排難解紛人皆敬服之前邑令鈕贈言云在嶺開花先沾雨露依巖作室不礙雲山年八十有五

采訪册

余屺瞻舒城人少讀書夏日於路口拾潭鎮圖票三千文詢知爲鄉農賣茶者所失乃坐嶺頭以俟之逾時失

者至詢確還之采訪冊

鍾能超字越凡號然亭舒城人賦性敦厚工詩文刻有然亭詩鈔行世敬愛兄弟親疎無間族之貧窘者必周之雖傾囊不吝故家素豐而中落憐芮貞女苦節爲買屋杭埠並經理其衣食數十年不倦以全其節女故又倡募請旌建坊費不足獨力成之邑令何向宸作貞女記詳其顛末子六人皆恂謹長子忠丁酉拔貢考授州同好義如其父能揆字藻廷里人韓餘三因貧賣妻能揆爲之贖還全其夫婦好義似其兄采訪冊

衛鏗烈舒城人武生性耿介尤嫻兵畧咸豐三年粵逆陷舒奮志勦賊隨官軍克復數城大吏保薦不就采訪冊

續修廬州府志

卷五十三

義行傳一

四十七

朱廣德舒城人咸豐三年城陷土匪蜂起其田主吳錦和合室就居舉家嗷嗷廣德給粟得以全活後不責報

采訪冊

王明發舒城人初傭工宋效蘧家積穀百餘石咸豐六年大旱發悉分給鄰里七年大疫效蘧遺兩孫一孫女俱幼發爲代耕撫之成立里人頌以義采訪冊

江孝上舒城人慷慨好義咸豐五年路拾遺金十餘兩訪還其人咸豐七年春飢里人許成才鬻妻孝上贍之穀以止之其子培生餼於庠又有從九品施有楠培陰隲重斯文里有夫婦將分離設法贍之其子桃食廩餼

采訪冊

童昀舒城人賦性孝友幼讀書童試屢冠軍咸豐三年
粵賊犯皖首出辦團任怨任勞洊保花翎遊擊卽補衛
守備其生平敦宗睦鄰如捐祠田置墳產施義地給棺
木又倡義重建城隍廟寢宮年近古稀卒

采訪
冊

黃永椿舒城人庠生兵燹後見屍骸暴露捐修揀埋於
南嶽觀側題其碑曰白骨墓陳灝瀾咸豐八年亦捐揀
埋白骨於薛家店側並立碑誌之

采訪
冊

萬義慈舒城人捐田一石六斗於南關兒口地方建造
茶亭三間永遠施茶行人感惠

采訪
冊

